



შირაკი

SHIRAKI

www.open.ge

გამოცემის 1937 წლიდან

დედოფლისწყაროს მუნიციპალიტეტის გაზეთი

№39 (9.604)

12-19 თებერვალი 2013 წელი

ფასი: 50 თეთრი

ყოველკვირეული გამოცემა

ინფრასტრუქტურული სამუშაოები ბრძელდება



დედოფლისწყაროში ინფრასტრუქტურული სამუშაოები საკმაოდ ჩქარი ტემპით მიმდინარეობს. ქალაქ დედოფლისწყაროში უკვე დასრულდა რვა ქუჩის სარეაბილიტაციო სამუშაოები, რომელშიც შედის გზებზე ასფალტის საფარის დაგება და სანიაღვრე არხების მოწყობა. „რამდენიმე ქუჩაზე ახლაც მიმდინარეობს სანიაღვრე არხების სარეაბილიტაციო სამუშაოები. ფიროსმანის ქუჩაზე ახლახანს დამთავრდა პრობლემური მონაკვეთის შეკეთება. ბეჟანიშვილის ქუჩის ნაწილიც რეაბილიტირებულია. დაგეგმილია კიდევ ცხრა ქუჩის გზის სარემონტო სამუშაოები“-განაცხადა ჩვენთან საუბრისას დედოფლისწყაროს მუნიციპალიტეტის გამგეობის ეკონომიკისა და ინფრასტრუქტურის განვითარების სამსახურის უფროსმა სოლომონ ლორაშვილმა.

გზების სარეაბილიტაციო სამუშაოების გარდა ადგილობრივი ხელმძღვანელობა ქალაქის იერსახის გალამაზებაზეც ზრუნავს და ჰერეთის ქუჩაზე მესერს აშენებს. სამუშაოებს შპს „კალციტი“ ახსორციელებს. სამშენებლო სამუშაოების დასრულება თვის ბოლოსაა დაგეგმილი.

„მესიანიზმი“ საქართველოში

როდესაც ამერიკაში ესპანელები პირველად გამოჩნდნენ, ევროპელებმა უბრალოდ მოახერხეს ქვეყნის ტერიტორიის დაპყრობა. აბორიგენმა მოსახლეობამ ისინი ზარ-ზეიმით მიიღო, რადგან მათში ხალხი არა დამპყრობელს, არამედ მხსნელს ხედავდა. ინდიელების იმდროინდელ ყოფაში მრავლად მოიპოვება მასალა, რომელიც იმაზე მეტყველებს, რომ ისინი თეთრკანიან მესიას ელოდებოდნენ.

ქართველი ხალხიც ოდითგანვე მხსნელს ელოდა. ამიტომ იყო გაფრთხილებული ერთი ადამიანის-მეფის ინსტიტუტი. მთელი ქვეყნის მომავალს ის განსაზღვრავდა და იმის მიხედვით, თუ რამდენად ძლიერი ან სუსტი იყო ქვეყნის პირველი პირი, აწმყოც და მომავალიც ამის მიხედვით ყალიბდებოდა. ქართული საზოგადოებრივი ცნობიერების ფორმირებას ხელს

უწყობდა ქვეყნის საკმაოდ მძიმე ისტორიული ყოფა, თუმცა, იმის შეგნება, რომ თითოეულმა ადამიანმა თავისი საქმე თვითონ უნდა გააკეთოს, დღემდე არ არსებობს.

ილია ჭავჭავაძემ ჯერ კიდევ მეცხრამეტე საუკუნეში დაგმო მესიანიზმის იდეა და ის თავის ლექსში „ბაზალეთის ტბა“ საკმაოდ კორექტულად გააკრიტიკა. თუ კარგად დაეფიქრებოდა, მიფხვდებოდა, რომ ილუზორულია იმისი წარმოდგენა, წყლის ძირას მდგარ აკვანში ცოცხალი ყრმა ინვეს, თანაც რატომღაც ოქროს აკვანში, „ვისიც არ ვიცით სახელი“ და აუცილებლად ასეთი ბრწყინვალეობისა და საიდუმლოების საფარქვეშ გახვეული მომავალი მესია იხსნიდა საქართველოს რუსეთის უღლისგან. ასე იყო მაშინაც, როცა საქართველო სპარსეთის უღელქვეშ დრტივინავდა და საფრთხე ემუქრებოდა

ქვეყნის მომავალს...

მას შემდეგ მრავალი წელი გავიდა. ჩვენი ცნობიერება კი კვლავ ამ ძველი ინერციით განაგრძობს არსებობას. ჩვენი ბოლო ოცდახუთწლიანი ისტორიაც ამისი დასტურია.

საქართველოს ისტორია, მას შემდეგ რაც 1991 წელს საბჭოთა კავშირიდან დამოუკიდებლობა მოიპოვა, ხასიათდებოდა გაზვიადებული იმედების მოზღვავეებით, რომელიც ერთ პოლიტიკურ მხსნელში იყრიდა თავს, რასაც შემდეგ იმედგაცრუება მოსდევდა. ასე იყო ზვიად გამსახურდიას დროს, როდესაც თითქმის ასპროცენტიანი ნდობით არჩეულ პრეზიდენტს რამდენიმე წელში მოსახლეობის ნაწილმა უნდობლობა გამოუცხადა და ის დევნილად აქცია.

კარგად მასხოვს 90-იანი წლები, ჩემი სტუდენტობის პერიოდი, როცა მოსახლეობა ახალ მესიას- „ბაბუს“ ელო-

და და მისგან მოელოდა ხსნას. ამჯერადაც ქართველთა მოლოდინმა კრახი განიცადა. შევარდნაძის მმართველობას რამდენიმეწლიანი უშუქობა, „გაყინული“ პენსიები და ხელფასები მოჰყვა. მერე იყო „ვარდების რევოლუცია“, შევარდნაძის ეპოქის დასასრული და ახალი იმედების დასაწყისის ერა. სააკაშვილიც ისეთივე იმედებით აირჩიეს პრეზიდენტად, როგორც დამოუკიდებელი ქვეყნის პირველი პირების უმეტესობა. ამიტომ დასასრულიც წინამორბედთა იდენტური იყო.

საქართველოს საპრეზიდენტო არჩევნები, რომელიც 27 ოქტომბერს არის დაგეგმილი, წყალგამყოფი გახდება ერთი მნიშვნელოვანი თვალსაზრისით: საქართველო საპრეზიდენტოდან საპარლამენტო რესპუბლიკად გარდაიქმნება, სადაც პრემიერმინისტრის ოფისი ახალი ვალდებულებებით აღიჭურ-

ვება. ახალი კონსტიტუცია პრეზიდენტის ძალაუფლებას ზღუდავს.

ივანიშვილი არ მონაწილეობს საპრეზიდენტო არჩევნებში და პირობას დებს, რომ ამ წლის ბოლომდე პრემიერ-მინისტრის თანამდებობიდანაც გადადგება. ასეთი გადაწყვეტილების ახსნა იმით შეიძლება, რომ ეს ერთ-ერთი იმ იშვიათთაგანი ნაბიჯია, რომელსაც შეუძლია საქართველო „მესიის კომპლექსისგან“ იხსნას, როდესაც ერთ ძლიერ ლიდერში ხდება უზარმაზარი მოლოდინის კონცენტრაცია. ივანიშვილს, იმის თქმით, რომ გადავდგებო, შეიძლება იმედი აქვს, რომ საქართველოს 4.5 მილიონი მოსახლე ბოლოს და ბოლოს აიღებს პასუხისმგებლობას საკუთარ ბედზე და არ იქნება ლიდერების პოლიტიკის მხოლოდ პასიური და უკმაყოფილო მომხმარებელი.

ინგა შიოლაშვილი

ჯონ მაკდონალდსი დედოფლისწყაროში

გვ. 3

ყველანი ბავშვობიდან მოვლივართ...

გვ. 6

ე უ რ ა დ ე ბ ა !

საქართველოს საარჩევნო კოდექსის მუხლი 50. 2-4-ით განსაზღვრული მოთხოვნების შესაბამისად, წინასაარჩევნო კამპანიის ფარგლებში, გაზეთი „შირაქი“ ყველა საარჩევნო სუბიექტს დაუთმობს საგაზეთო ფართს პოლიტიკური რეკლამისათვის. 27 ოქტომბრამდე გაზეთი „შირაქი“ ყოველკვირეულად, თითოეულ ნომერში საპრეზიდენტო არჩევნებში მონაწილე საარჩევნო პარტიებსა და კანდიდატებს გაზეთის ფართს დაუთმობს, რომელიც განკუთვნილი იქნება ფასიანი პოლიტიკური რეკლამისთვის და თანაბრად გადანაწილდება ყველა საარჩევნო სუბიექტზე. ფასიანი პოლიტიკური რეკლამისთვის გამოყოფილი გაზეთის ერთი გვერდის ფასი კი 150 ლარით განისაზღვრება.

ყველაზე სადო წყარო დედოფლისწყაროში მიმდინარე მოვლასთან დაკავშირებით

- ახალი ინფორმაცია
- სამართლებრივი აქტების აუქციონი
- ტელეარი - ყველაფერი
- მხოლოდ ჩვენთან!

ის, რასაც სხვაგან ვერ ნაიპოვებთ!

www.dedoplistskaro.ge

გილოცავთ სვეტიცხოვლობას, უფლის კვართის მადლი გვფარავდეს!

ირაკლი ღარიბაშვილი: ჩვენ აფხაზეთში დავბრუნდებით!

„მე ღრმად ვარ დარწმუნებული, რომ ჩვენ დავბრუნდებით, ენგური კი გახდება არა წყალგამყოფი ჩვენი ერთიანობის, არამედ სიმბოლო ჩვენი ერთიანობისა და საერთო მომავლისა“ - განაცხადა ირაკლი ღარიბაშვილმა.

საქართველოს შინაგან საქმეთა მინისტრი, ირაკლი ღარიბაშვილი აღნიშნავს, რომ აფხაზეთის დაბრუნება შესაძლებელია და ენგური გახდება სიმბოლო აფხაზეთისა და საქართველოს სხვა რეგიონების გაერთიანებისა:

„განსაკუთრებით მნიშვნელოვანი და საპასუხისმგებლო ენგურე სახელმწიფო სამსახურს იმ რეგიონში, რომელიც ესაზღვრება, ჩვენს დიდ ტყვიან და სევდას, ჩვენს აფხაზეთს, ასობით ათასმა აფხაზეთიდან დევნილმა თავშესაფარი იპოვა სვანეთსა და სამეგრელოში, თუმცა ვერანაირი მასპინძლობა ვერ გაანელებს ამ ტყვიანს, მაგრამ მე ღრმად ვარ დარწმუნებული, რომ ჩვენ დავბრუნდებით, ენგური კი გახდება არა წყალგამყოფი ჩვენი ერთიანობის, არამედ სიმბოლო ჩვენი ერთიანობისა და საერთო მომავლისა“ - განაცხადა ირაკლი ღარიბაშვილმა.

მაქარეიშვილმა საზღვრისპირა სოფლის მოსახლეობას კალაძის დანაბარები გადასცა

რეინტეგრაციის მინისტრი პაატა ზაქარეიშვილი კასპის რაიონის გამყოფ ზოლთან მდებარე სოფლების მოსახლეობას შეხვდა.

ზაქარეიშვილი დაჰპირდა მოსახლეობას, რომ ექვსი თვის განმავლობაში დასრულდება გარეგანი ტერიტორიების მართვით დასრულებული სასაზღვრო ზოლის პრობლემაც და ადგილობრივი მოსახლეობა შეძლებს ხილის რეალიზებასაც.

„აუცილებელია ადგილზე შევისწავლოთ მდგომარეობა კომისიის ყველა სხდომის წინ, ვნახოთ რა ხდება. მიზანდასრულებული იქნება განხილვის უფროსი. თუ უსაფრთხოება იქნება დაცული ყველაფერი მოგვარდება. 24 საათი აქ არიან, როგორც კი უსაფრთხოების გარანტია გვაქვს მერე უკვე შეიძლება ყველაფრის გაკეთება: ხილი, წყალი, გაზი, მთხობა კალაძემ რომ მეთქვა თქვენთვის, გამყოფი ზოლის ყველა სოფელი იქნება განხილვის უფროსი ექვსი თვეში,“ - განაცხადა ზაქარეიშვილმა.

კასპის რაიონის შემდეგ უწყების წარმომადგენლები გორისა და ქარელის რაიონებში ჩავლენ, 15 ოქტომბერს კი სახელმწიფო კომისიის კონკრეტულ წინადადებებს წარუდგენენ.

უნდა გადავიდეთ დაგროვებით საპენსიო სისტემაზე - ნოდარ ხალური

საქართველოს ფინანსთა მინისტრი ნოდარ ხალური ვაშინგტონში შეხვედრებს მართავს.

როგორც „მედიაინფოს“ სამინისტროდან აცნობეს, საერთაშორისო სავალუტო ფონდის აღმასრულებელ დირექტორთან, ამერიკის შეერთებული შტატებიდან მეგ ლუნდსაგერთან გამართულ შეხვედრაზე ფინანსთა მინისტრმა და ქართულმა დელეგაციამ საქართველოში არსებული მდგომარეობა განიხილეს. ისაუბრეს იმ ნაბიჯების გადადგმის აუცილებლობაზე, რომელიც ქვეყნის განვითარებისა და რეფორმების გასაგრძელებლად არის საჭირო.

საქართველოში საპენსიო რეფორმისა და ფასიანი ქაღალდების განვითარების პერსპექტივაზე ისაუბრეს ფინანსთა მინისტრმა, ნოდარ ხალურმა და მსოფლიო ბანკისა და საერთაშორისო საფინანსო კორპორაციის კაპიტალური ბაზრებისა და არასაბანკო საფინანსო დაწესებულებების (საპენსიო ფონდების) დეპარტამენტის დირექტორმა, ლუკ შიქემ ვაშინგტონში გამართული შეხვედრის დროს.

„შედეგად საინტერესო შეხვედრა. ფინანსთა სამინისტრო ეკონომიკისა და მდგრადი განვითარების სამინისტროსთან ერთად აქტიურად მუშაობს საპენსიო რეფორმის საკითხებზე. სამუშაოდ ქვეყანაში დღემდე არ გვაქვს ევროპული სტანდარტების საპენსიო სისტემა. ჩვენ უნდა გადავიდეთ დაგროვებით საპენსიო სისტემაზე და დღეს ვისაუბრეთ სწორედ იმაზე, თუ როგორ შეიძლება დაგვეხმაროს რეფორმის განხორციელებაში მსოფლიო ბანკი, როგორც რჩევებით, ისე ადამიანური რესურსებით, რათა ეს პროცესი შეძლებისდაგვარად მოკლე ვადაში დასრულდეს,“ - განაცხადა ფინანსთა მინისტრმა ნოდარ ხალურმა.

დღესვე, ფინანსთა მინისტრმა, ნოდარ ხალურმა შეხვედრა გამართა იქმ-ის საზოგადოებრივი და კერძო სექტორების პარტნიორობის დეპარტამენტის დირექტორთან ლორენს კარტერთან (ლაურენცე ჩარტერი).

შეხვედრის მთავარი თემა ფასიანი ქაღალდების ბაზრის განვითარება და კერძო და საჯარო სექტორების თანამშრომლობის საკითხები იყო.

როგორც შეხვედრაზე აღინიშნა, მთავარი სახელმწიფოს მონაწილეობა ბიზნესის განვითარებაში იყოს დაბალანსებული, რათა დაცული იყოს, როგორც სახელმწიფოს, ისე ბიზნესის ინტერესები.

„ფიქრობ, საჯარო და კერძო სექტორების პარტნიორობის მიმართული მნიშვნელოვანი პროექტების განხორციელება შესაძლებელია, განსაკუთრებით ენერჯეტიკისა და ჯანდაცვის სფეროებში,“ - განაცხადა ფინანსთა მინისტრმა, ნოდარ ხალურმა.

დეკრეტული შვებულების დღეების რაოდენობა და ანაზღაურება გაიზარდა

დეკრეტული შვებულების დღეების და ანაზღაურების გაზრდის შესახებ საქართველოს პარლამენტში ინიცირებული კანონპროექტი პირველი იანვრიდან ამოქმედდება. პარლამენტმა კანონპროექტი 11 ოქტომბერს მიიღო.

„შრომის კოდექსში“ შესული ცვლილებების მიხედვით, ორსულობის, მშობიარობის და ბავშვის მოვლის მიზეზით შვებულება 253 დღით, 477-დან 730 კალენდარულ დღემდე იზრდება. მათგან ანაზღაურება 126-ის ნაცვლად 183 დღეზე გაიჭიმება, ხოლო მშობიარობის გართულების ან ტყუპის შობის შემთხვევაში თანხას ქალი 140 დღის ნაცვლად 200 კალენდარულ დღეზე მიიღებს.

ცვლილებების მიხედვით, ის დასაქმებული, რომელიც ერთ წლამდე ასაკის ბავშვს იზივებს, 365 დღის მაგივრად 550 დღიანი შვებულებით ისარგებლებს. ანაზღაურება ამ შემთხვევაში 20 დღით იზრდება და 90 კალენდარულ დღეს შეეხება.

ორსულობის, მშობიარობის და ბავშვის მოვლის, ასევე ახალშობილის შვილად აყვანის გამო ანაზღაურებადი შვებულების დროს გასაცემი თანხის ოდენობა 400 ლარით იზრდება და 1000 ლარს შეადგენს.

საკანონმდებლო ინიციატივისთვის 2014 წლის სახელმწიფო ბიუჯეტში 3 436 800 ლარით განსაზღვრული დამატებითი ხარჯი გამოიყო.

ოჯახში გაჩენილი ყოველი მესამე ბავშვი შესაძლოა 6 წლამდე სახელმწიფომ არჩინოს

ჯანდაცვის კომიტეტის თავმჯდომარე დიმიტრი ხუნდაძე ოჯახში ყოველი მესამე ბავშვის სახელმწიფოს მიერ დაფინანსების ინიციატივით გამოდის. აღნიშნული ინიციატივა ხუნდაძემ დღეს, კომიტეტის სხდომაზე 2014 წლის ბიუჯეტის პროექტის განხილვისას დააყენა.

„ოჯახში ყოველი მესამე ბავშვი 6 წლის ასაკამდე დაფინანსდეს ყოველთვიურად. ეს გარკვეულწილად გადაანგარიშებული გვაქვს და ამას ჭირდება დაახლოებით 5 მილიონი ლარი. ესეც ერთ-ერთი მნიშვნელოვანი ინიციატივა იქნება და ხელს შეუწყობს შობადობის გაზრდას,“ - ამბობს ხუნდაძე.

ჯანდაცვის კომიტეტის თავმჯდომარის განცხადებით, პიველ რიგში იმ რეგიონები დაფინანსდება ფიქრობენ, სადაც შობადობის მნიშვნელოვანი კლებაა.

„ქვეყანაში არსებობს დემოგრაფიული პრობლემა და ამ კუთხით ორი უმნიშვნელოვანესი წინადადება წარდგენილია. ერთი, რომ სახელმწიფო აფინანსებს ფიზიოლოგიურ მშობიარობას 500 ლარის ოდენობით და საკეისრო კვეთას 800 ლარის ოდენობით. დღემდე უკვე 9 ათასზე მეტი მშობიარობაა დაფინანსებული. ასევე, რამოდენიმე დღის წინ იყო წარდგენილი ინიციატივა დეკრეტული შვებულებების ნაწილში შემწეობის გაზრდასა და დღეების რაოდენობის ზრდაზე,“ - აცხადებს ხუნდაძე.

ფინანსთა მინისტრის მოადგილის გიორგი თაბუაშვილის განცხადებით, აღნიშნული პროგრამის დასაფინანსებლად სამინისტრო მაქსიმალურად შეეცდება ფინანსური რესურსის მოძიებას.

ყოველი მეორე ქართველი მიიჩნევს, რომ ბავშვის დასჯის ძალადობრივი ფორმები უფრო ქმედითია

ბავშვთა მიმართ ძალადობა საქართველოში ფართოდაა მიღებული. ყოველი მეორე ქართველი მიიჩნევს, რომ დასჯის ძალადობრივი ფორმები უფრო ქმედითია, ვიდრე არაძალადობრივი აღმზრდელობითი მეთოდები — ამის შესახებ ნათქვამია გაეროს ბავშვთა ფონდის დაკვეთით ჩატარებული კვლევის ანგარიშში.

ბავშვთა მიმართ ძალადობის კვლევის მიზანი იყო მოსახლეობის განწყობებისა და დამოკიდებულების კვლევა, კერძოდ ის, თუ როგორ აღიქვამს საზოგადოება ძალადობას; რამდენად ტოლერანტულია საზოგადოება ძალადობის ჩამდენ პირთა მიმართ და როგორია იმის ალბათობა, რომ ადამიანები შეატყობინებენ შესაბამის ორგანოებს ძალადობის შესახებ, თუ ასეთი ფაქტები მათთვის ცნობილი გახდა.

კვლევა ამერიკის საერთაშორისო განვითარების სააგენტოს მხარდაჭერით მომზადდა.

ამომრჩეველთა სიის ფორმირებისთვის საკოორდინაციო კომისია შეიქმნა

საქართველოს მთავრობამ, 2014 წლის ადგილობრივი თვითმმართველობის არჩევნებისთვის ამომრჩეველთა ერთიანი სიის ფორმირებასთან დაკავშირებით საკოორდინაციო კომისიის შექმნის დადგენილება მიიღო. კომისიას იუსტიციის მინისტრი თეა წულუკიანი უხელმძღვანელებს.

დადგენილების მიხედვით, საკოორდინაციო კომისიის საქმიანობაში ჩაერთვებიან მინისტრების პირველი მოადგილეები და საპარლამენტო ფრაქციების თავმჯდომარეები. კომისიაში ასევე იმუშავენ: თბილისის მერის მოადგილე, სახელმწიფო სერვისების განვითარების სააგენტოს თავმჯდომარე, საჯარო რეესტრის ეროვნული სააგენტოს თავმჯდომარე, იუსტიციის სახლის აღმასრულებელი დირექტორი, შინაგან საქმეთა სამინისტროს მომსახურების სააგენტოს თავმჯდომარე, შემოსავლების სამსახურის უფროსი და ცესკოს თავმჯდომარე.

კომისია უფლებამოსილია, დააკვირდეს სახელმწიფო და ადგილობრივი თვითმმართველობის ორგანოთა საქმიანობას ამომრჩეველთა ერთიანი სიის ფორმირების პროცესში, მათი თანამშრომლობის ხარისხს და ამომრჩეველთა მონაცემების დადგენის პროცესის მიმდინარეობას. აგრეთვე, შეიმუშაოს და წარუდგინოს რეკომენდაციები მთავრობას და ამომრჩეველთა ერთიანი სიის ფორმირების პროცესში მონაწილე სახელმწიფო და ადგილობრივი თვითმმართველობის ორგანოებს; შეიმუშაოს რეკომენდაციები სადავო საკითხებზე, რომლებიც წარმოიშობა ამომრჩეველთა ერთიანი სიის ფორმირების პროცესში განსახორციელებელ პრაქტიკულ სამუშაოებთან დაკავშირებით; ყოველი თვის ბოლოს მოახდინოს განვლილი პერიოდის განმავლობაში ამომრჩეველთა ერთიანი სიის ფორმირების პროცესის შეფასება და შეიმუშაოს მომავალი პრაქტიკული სამუშაოების გეგმა.

2014 წლის ადგილობრივი თვითმმართველობის არჩევნებისთვის საარჩევნო სიის ბიომეტრიული ნუსხით ფორმირება იგეგმება, რაზედაც საარჩევნო კანონმდებლობაში შესაბამისი ცვლილებებიც შევიდა.

ცესკო-ს გრენინგი ეურნალისტებისთვის



რეგიონული მედიის წარმომადგენლებისათვის საარჩევნო საკითხებზე 3 დღიანი ტრენინგების კურსი ჩატარდა. აღმოსავლეთ და დასავლეთ საქართველოს ჟურნალისტებისთვის სწავლება 8-10 ოქტომბერს გაიმართა.

კახეთის რეგიონის ჟურნალისტებისთვის ტრენინგი თბილისში, სასტუმრო „ჰოლიდეი ინს“-ში მოეწყო. დედოფლისწყაროდან ტრენინგში ჟურნალისტები ინგა შიოლაშვილი და ილია მარტყუფლიშვილი მონაწილეობდნენ.

თბილისში გამართულ ტრენინგში მონაწილე ჟურნალისტები ეცნობიან საარჩევნო კანონმდებლობის სიახლეებს, განიხილავენ ისეთ მნიშვნელოვან საკითხებს, როგორებიცაა მედიის როლი საარჩევნო პროცესში, მედიის უფლებრივი მდგომარეობა, საუბნო საარჩევნო კომისიის საქმიანობა და კენჭისყრის პროცედურები.

ტრენინგი, რომელსაც აღმოსავლეთ საქართველოს 30-მდე მედიასამუშაოების წარმომადგენელი დაესწრო, ცესკოს თავმჯდომარე თამარ ყვანიაშვილმა გახსნა და არჩევნებში მედიის ჩართულობის როლზე, ასევე საარჩევნო პროცესების გამჭვირვალობის აუცილებლობაზე ისაუბრა. მისი თქმით, ამგვარი ტრენინგები მედიას ყოველი არჩევნების წინ ჩაუტარდება.

ეკონომიკური თანამშრომლობა - კავკასიაში მშვიდობის გარანტი

ასეთი შეხვედრები ხელს შეუწყობს მოსახლეობის განათლების და ცნობიერების ამაღლებას...

გასულ თვეში ტელეკომპანია „ობიექტივის“ პირდაპირ ეთერში ირაკლი კაკაბაძის მიერ გაკეთებულ განცხადებას აყოფა მოსახლეობის ნაწილმა კაკაბაძის განცხადება ისე მიიღო, თითქოს, დედოფლისწყაროში ახალი სოფლის გაშენება იგეგმებოდა, სადაც სხვადასხვა ეროვნების ადამიანებს ჩაასახლებდნენ და მას „მშვიდობის სოფელს“ დაარქმევდნენ. სინამდვილეში, სურათი სულ სხვაგვარია. ვიდრე თემს განვავრცობდეთ, ვერ კაკაბაძის თავდაპირველ განცხადებას შემიგთავაზებთ.

„მშვიდობა არ არსებობს, სოციალური სამართლიანობის გარეშე. მშვიდობის ძირი არის განვითარება. ძალიან კარგი შეხვედრა გექნება დედოფლისწყაროში, გამგებელთან, ბატონ ირაკლი შიოლაშვილთან, მოვილაპარაკეთ, რომ აქტიურად დავეინყოთ თანამშრომლობა იქაურ არასამთავრობო სექტორთან. დავეინყოთ ერთ-ერთი ასეთი მოდელი: „მშვიდობის სოფელი“, რაც ნიშნავს, რომ ყველა ეროვნების და რელიგიის ადამიანები ერთად თანამშრომლობენ

სოციალური და კულტურული განვითარების პროცესი ერთობლივად დაინყოს. განვითარების პროცესთან კი დაკავშირებულია მშვიდობის პროცესი, მშვიდობა არ იქნება, თუ არ იქნება სამართლიანობა,“ - აღნიშნავდა კაკაბაძე. რის შემდეგაც ტელეკომპანიაში დედოფლისწყაროდან რამდენიმე მოქალაქის სატელეფონო ზარი განხორციელდა.

როგორც „შირაქმა“ გაარკვია, ირაკლი კაკაბაძის ინიციატივა დედოფლისწყაროში ახალი სოფლის გაშენებას და ეთნიკური უმცირესობების ჩამოსახლებას სულაც არ ითვალისწინებს. იდეა მდგომარეობს შემდეგში, რომ დედოფლისწყაროში შეიქმნას ეკონომიკური სკოლა, რის ფონზეც დედოფლისწყარო ერთგვარ ცენ-

სწორედ ამ პროექტის ფარგლებში ილიას სახელმწიფო უნივერსიტეტის დედოფლისწყაროს კვლევითი ცენტრის საკონფერენციო დარბაზში უკვე მეორედ გაიმართა ლექცია, რომელსაც საკმაოდ გამოცდილი ადამიანები უძღვებიან.

ამჯერად დედოფლისწყაროს მეულღესთან ერთად ენვია ამერიკის ყოფილი ელჩი გაეროში ჯონ მაგდონალდსი, რომელიც



მა და უმჯობესი იქნება გზები მონესრიდეს. დედოფლისწყაროს გამგებელმა კი ელჩს განუმარტა, რომ რადგან გზების რეაბილიტაცია დაწყებულია, მგზავრობის დრო სწორედ ამიტომ განხილულია. ი რ ა კ ლ ი კ ა კ ა ბ ა ძ ე მ:

„როგორც სტუმრებმა შეაფასეს, დედოფლისწყარო დიდი რეგიონია და აქვს განვითარების დიდი პოტენციალი. ვცდილობთ, პირველ რიგში ეს იყოს საგანმანათლებლო და კულტურული საბილოტე პროგრამა ეკონომიკური განვითარების მიმართულებით. ეს პროექტი დავეინყოთ ამერიკის მრავალარხანი დიპლომატიის ინსტიტუტმა, ნორვეგიულმა ორგანიზაციამ და აგრეთვე სხვადასხვა ქართულმა არასამთავრობო ორგანიზაციებმა. ვაპირებთ ადგილობრივ არასამთავრობო ორგანიზაციებთან აქტიურ თანამშრომლობას და მათთან ერთად პროექტების წერას და განხორციელებას.

ირაკლი შიოლაშვილი: „ასეთი სახის შეხვედრები ბოლო სამი კვირის განმავლობაში დედოფლისწყაროში უკვე მეორედ გაიმართა. იმედი მაქვს, ასეთი ლექციები კიდევ ხშირად გაიმართება და დაინტერესებაც დიდი ნაშრომა. ეს კი ხელს

შეუწყობს ჩვენი მოსახლეობის და ახალგაზრდების განათლების დონის გარკვეულწილად ამაღლებას. ასევე ჩვენს ინტეგრაციას საერთაშორისო ურთიერთობებში და ძალიან ბევრი ახალი საერთაშორისო პროექტის დაწყებას დედოფლისწყაროში არასამთავრობო სექტორის მიმართულებით. იცით, რომ აშშ გერმანიის დაახლოებით მილიონი ლარის ღირებულების სამედიცინო აპარატურას. ასევე, ამერიკული მხარის დაფინანსებით შირაქის დასახლებას მზის სისტემის ჰელიო დანადგარები გადაეცა. ამას გარდა, სოფელ მირზაანში საკმაოდ სერიოზული სანიაღვრე სისტემა მოეწყობა სწორედ აშშ-ს თანადგომით. მე ვფიქრობ, რომ დედოფლისწყაროში გამართული ასეთი შეხვედრები სანდარი გახდება იმისა, რომ ასეთი პროექტები გაცილებით უფრო მრავლად მოვიზიდოთ დედოფლისწყაროში. გვინდა, რომ დედოფლისწყარო გახდეს აღმშენებლობის ცენტრი, რასაც საერთაშორისო ფონდებიდან მოზიდული თანხები ჰქვია. ეს კი საბოლოო ჯამში ადგილობრივი მოსახლეობის განვითარებაზე დადებითად აისახება.“

გაზეთ „შირაქის“ ინფორმაციით, დედოფლისწყაროში მიმდინარე ლექციებზე დასასწრებად ილიაუნის სტუდენტები თბილისიდანაც დადიან. ამ ეტაპზე უცნობია, მომდევნო ლექცია როდის ჩატარდება, ან ვინ ნაიკითხავს.

ილია მარტყოფლიშვილი



მსოფლიოში მშვიდობის გამავრცელებლად მიიჩნევა.

„ეკონომიკური სკოლის შექმნა რეგიონს დაეხმარება და გააერთიანებს აზერბაიჯანს, სომხეთს და საქართველოს, გარკვეული ევროკავშირის ტიპის ორგანიზაციაში. ჩვენი გრძელვადიანი გეგმა არის ის, რომ ეკონომიკური თანამშრომლობის შედეგად დავამყაროთ მშვიდობა კავკასიაში,“ - აღნიშნა ლექციის დაწყებისას ყოფილი ელჩმა ჯონ მაგდონალდსმა და იქვე იხუმრა, რომ

თბილისიდან დედოფლისწყარომდე მგზავრობას 3 საათი მოანდო-



იდეა მდგომარეობს იმაში, რომ დედოფლისწყაროში შეიქმნას ეკონომიკური სკოლა, რის ფონზეც დედოფლისწყარო ერთგვარ ცენტრად იქცევა სხვადასხვა ქვეყნის ახალგაზრდები სთვის...

იმისთვის, რომ ეკონომიკური განვითარება მოხდეს. ეკონომიკური,

ტრად იქცევა სხვადასხვა ქვეყნის ახალგაზრდებისთვის.

დედოფლისწყაროში მილიონნახევარზე მეტი სასოფლო-სამეურნეო ბარათი შემოვიდა

დამუშავებული მიწები 9 000 ჰექტარით გაიზარდა

„წელს დედოფლისწყაროს მუნიციპალიტეტში მილიონნახევარზე მეტი სასოფლო-სამეურნეო ბარათი შემოვიდა“ — ამის შესახებ სოფლის მეურნეობის სამინისტროს დედოფლისწყაროს რეგიონული სამსახურის წარმომადგენელმა გიორგი ბენაშვილმა ტელეკომპანია „ობიექტივის“ პირდაპირ ეთერში, ჟურნალისტ ილია მარტყოფლიშვილთან სტუმრობისას განაცხადა. თოქ-შოუ „დედოფლისწყაროს საათში“ სტუმრობისას ბენაშვილმა შირაქის სავარგულეებზე მიმდინარე წელს ალოობის დასრულებულ პროცესზეც ისაუბრა და აღნიშნა, რომ ხორბლის მოსავლიანობის მაჩვენებლის ზრდა მიმდინარე წელს დედოფლისწყაროს მუნიციპალიტეტში არ დაფიქსირებულა, თუმცა დამუშავებული მიწის ნაკვეთების ფართობი გასულ წელთან შედარებით 9 000 ჰექტარით გაიზარ-

და. „სოფლის მეურნეობის დარგი განადგურებულია. ერთ დროს დედოფლისწყაროში 18 000 ჰა მიწა ირწყვებოდა, დღეს ეს ყველაფერი მოისპო, ასევე სავალალო მდგომარეობაშია საძოვრები და ხელისუფლებას წულიდან უწყებს ცალკეული დარგების განვითარება. მხოლოდ სასუქი 10-ჯერ მეტი შემოვიდა, ვიდრე გასულ წელს. სწორედ ამიტომ, რომ გლეხმა წელს 9 000 ჰექტარზე მეტი მიწა დაამუშავა. თუმცა, სამწუხაროდ, ხორბლის საჰექტარო მოსავლიანობით ვერ დაიკვივებით. დედოფლისწყაროში 2000 წლის შემდეგ ახალი თესლი ინტენსიურად არ შემოსულა. სოფლის მეურნეობა ცოცხალი ორგანიზმია და, როდესაც თესლი არ იცვლება, ეს უარყოფითად აისახება მოსავლიანობის შედეგზე. ამიტომაც მოსავლიანობა დაბალი იყო

და 18 ცენტნერი შეადგინა ხორბალშიც და ქერშიც. იყო პერიოდი, როცა 30-40 ცენტნერიც მიგვიღია,“ - აღნიშნავს ბენაშვილი. ბენაშვილი მოსავლიანობის ზრდის მაჩვენებლის შემავრცელებელ მიზეზად თესლის უხარისხობას ასახელებს და აცხადებს, რომ სახელმწიფო ამ მიმართულებით პრობლემის აღმოსაფხვრელად მუშაობს. გაა ბენაშვილი სერიოზულ პრობლემად მიიჩნევს იმ გარემოებასაც, რომ მიწის ფართობების ნაწილი ამ დრომდე აღურიცხავია, რაც ბიუჯეტს შემოსავალს უკარგავს. მისივე თქმით, აუცილებელია მიწების კატეგორიებად დაყოფა ხარისხის მიხედვით.

ილია მარტყოფლიშვილი



ყველას რაიმე აქვს სახსოვარი

მოუხარეთ საოჯახო ალბომებს

ძვირფასო მკითხველო, დღეს მე გთავაზობთ ერთ უნიკალურ ფოტოს, რომელიც ჰერეთის (ყოფილი სტალინის) ქუჩაზე მცხოვრებმა ლამარა ბერიაშვილ-გავალოვმა გადმომცა.

- 82 წლის ხანდაზმული ადამიანი ვარ. ეს სურათი, რაც თავი მახსოვს, პაპაჩემის და ბებიაჩემის (დედის მხრიდან) ივანე და სონია მოსესოველების ოჯახში ინახებოდა ქალაქ სიღნაღში. მათი გარდაცვალების შემდეგ, მიუხედავად იმისა, რომ არ ვიცი, კონკრეტულად ვინ არიან გამოსახული ამ სურათზე, მე მაინც შევინახე, დამენანა გადასაგდებად. ის კი ვიცი, რომ პაპაჩემის ახლობლები იყვნენ, ან დისშვილი, ან ძმისშვილი. ჩემი მდგომარეობის ადამიანს, ორი ვაჟის დამკარგავ დედას, დარჩენილი ერთადერთი ვაჟის, 6 შვილიშვილის და 5 შვილთაშვილის პატრონს, იქნებ არც უნდა მედარდებოდეს ეს. სურათი, მაგრამ... ხვალ-ზეგ მე აღარ ვიქნები, ვინღა შეინახავს, არადა, სურათი, რომელიც სამ საუკუნეს მოესწრო, ახლა მენახება ნაგავში გადასაგდებად. თქვენ მოგცემთ, როგორც საჭიროდ ჩათვლით, ისე მოიქცითო, - მითხრა ქალბატონმა ლამარამ. სურათმა ძალიან დამაინტერესა. ვაჩვენე ის მხარეთმცოდნეობის მუზეუმის თანამშრომლებს, ისტორიკოსებს, რუსული ენის სპეციალისტებს, გამადიდებელი ლუპით დაწვრილებით დავათვალიერეთ სურათის ორივე მხარე. მართალია, კონკრეტული დასკვნების გამოტანა ვერ შევძელით, ამას სხვა ტექნოლოგიები და სპეციალისტები სჭირდება, მაგრამ ერთი კი ცხადად შეგვიძლია ვთქვათ, რომ სურათი, სავარაუდოდ, მე-19-ე საუკუნის ბოლო ოცნლეულშია გადაღებული და მასზე წარჩინებული მდგომარეობის, განსწავლულ-განათლებული ადამიანები არიან გამოსახულნი. ქალბატონს აშკარად სომხური იერი აქვს, მამაკაცი კი სლავიანური წარმოშობის არისტოკრატია. ერთმანეთთან დგომის მანერით, ისინი ახლადდანიშნულები უნდა იყვნენ. მიუხედავად იმისა, რომ არცერთს ხელზე საქორწინო ბეჭედი არ უკეთია. მათი ჩაცმულობაც (მამაკაცს აცვია თეთრი პერანგი და უკეთია ღია ფერის ჰალსტუხი, მუქი ფერის შარვალ-კოსტუმითა და ჟილეტით, ხოლო ქალბატონის ორიგინალურად შეკერილი კაბა დამშვენებულია ძვირფასი გულსაბნევით და ძეწკვით, ხელში უჭირავს მარაო არა როგორც სამშვენისი, არამედ როგორც ნივთი,


რომელიც მისთვის ყოველდღიური მოხმარების საგანია) აშკარად მიგვანიშნებს, რომ ისინი მალაი რანგის ადამიანები არიან, ახლა ყველაზე საინტერესო ნაწილი ფოტოსურათისა, რომლის ორივე მხარეს აღბეჭდილია ოქროს მედელები. (ისინი ოქროსი რომ არის, წარწერითაა დამონშებული). მედელებზე წარწერები ინგლისურადაა, ხოლო დანარჩენი - რუსულით, რომელსაც შერჩენილი აქვს გვიანდელი სლავიანური დამწერლობის ნიშნებიც. ერთ მედალს აწერია: „ესპანეთის მეფე ალფონსო XII“ და ამოტიფრულია თვით მეფის პორტრეტით. შემდეგ აწერია: „მადრიდი, აკადემიური ინდუსტრია“, ერთ-ერთზე კი იკითხება: „სოფლის მეურნეობის ინდუსტრია „ბელ-არტი“. ერთი მედალი სიძველის გამო ვერ ამოვიკითხეთ. სურათის პირველ და მეორე გვერდებზეც ნათლად იკითხება: „ასტრახანი, მისი უდიდებულესობა სპარსეთის შაჰის კარი, ს. კლიმაშევსკაიას ფოტოგრაფია, პოლიციისკაიას ქუჩა, ხიდთან, საკუთარი სახლი, ტელეფონი N 195, ნეგატივი ინახება, თქვენი მონა-მოჩილი“. ფოტოგრაფის გვარის დაბოლოების მიხედვით თუ ვიმსჯელებთ, იგი პოლონური წარმოშობის ქალბატონია. ყველაფერი ერთად კი გვაფიქრებინებს, რომ სურათზე გამოსახული ადამიანები მალაი თანამდებობის კარზე დაახლოებულ პირები არიან და, ამავედროულად, ახლობლები ქალბატონი ლამარას პაპა-ბებიისა, რადგან მამინ სურათის გადაღება ასე საყოველთაოდ შესაძლებელი არ იყო და არც მას ვინმე შორეულს არ ჩუქნიდნენ.

ახლა ყველაზე მთავარი, რასაც ამ უცნობი სურათის გაზეთში გამოქვეყნება ემსახურება: თავის დროზე ამ ადამიანებს სურათზე რომ მიენიშნებინათ თავიანთი და იმ ადამიანების ვინაობა, ვისაც ჩუქნიდნენ და დაეთარილებინათ იგი, არც ოჯახისთვის გახდებოდა „ზედმეტი“ და არც ჩვენ მოგვიწევდა „მკითხაობა“. ამიტომ, მინდა, მოგიწოდოთ, რათა ყურადღებით მოვეპყრათ ჩვენს საოჯახო ალბომებს. ვიდრე დროა, სურათებზე მივანიშნოთ ვინ, როდის და რასთან დაკავშირებით არის გამოსახული. არავინ იცის, წლების და ათწლეულის შემდეგ რა ინფორმაციის შემცველი იქნება ისინი მამინდელი საზოგადოებისთვის. არ ფიქრობთ რამდენად დასანანია ქალბატონი ლამარასთვის და მისი ოჯახის წევრებისთვის, რომ არაფერი იციან ისეთი სურათის შესახებ, რო-

მელიც აშკარად მათი წარჩინებული წარმომავლობის ერთი უტყუარი ფაქტია!

ანალოგიური სურათი, რომელიც ასევე სქელი მუყაოს ფირფიტაზეა დაკრული, ზედ რამდენიმე მედალია გამოსახული და ორ უცნობ ქალბატონს ეკუთვნის, რომლებიც ჩისტაკოპით დამშვენებულიები ამაყად შემოგვყურებენ ათეული წლების წინანდელი ეპოქიდან, მხარეთმცოდნეობის მუზეუმშიც ინახება და არავინ იცის, ვინ არიან ისინი ან როდის გადაიღეს ის. მეც ამ სურათსაც მუზეუმს ჩავაბარებ, მეც ნამდვილად მენახება, მაკულატურად იქცეს იგი. იქნებ მიეცეს საშუალება მუზეუმს, სურათების „ხნოვანების“ დასადგენად შესაბამის სპეციალისტებს სთხოვონ ანალიზის გაკეთება.

ჩვენ კი ვაგრძელებთ რუბრიკას-„ყველას რაიმე აქვს სახსოვარი“. მოგვანოდეთ სურათები ან ინფორმაციები თქვენთვის მნიშვნელოვანი დღეების და მოვლენების შესახებ. ადამიანებს მოსწონთ სხვის ბიოგრაფიაში „ხეტიალი“.



მართლმადიდებელი ეკლესიის გაკლერების მიზნით, 6 ახალი ეპარქია ჩამოყალიბდა

წმინდა სინოდის გადაწყვეტილებით, 6 ახალი ეპარქია შეიქმნა და რამდენიმე ეპისკოპოსი პენსიაზე გავიდა. როგორც დუშეთისა და ნილკანის მიტროპოლიტმა მეუფე ზოსიმემ (შიოშვილი) საპატრიარქოში დღეს გამართული სინოდის სხდომის დასრულების შემდეგ განაცხადა, პენსიაზე გასულ სასულიერო პირებს შორის თიანეთისა და ფშავ-ხევსურეთის

მიტროპოლიტი თადეოზი და მარგველი მიტროპოლიტი ვახტანგი არიან. მისივე თქმით, 7 ახალი მღვდელმთავარი დაინიშნა.

„საქართველოს ეკლესიის გაძლიერების მიზნით, 6 ახალი ეპარქია ჩამოყალიბდა და არსებული ეპარქიების გაყოფა მოხდა. აირჩიეს 7 ახალი მღვდელმთავარი, რომელთა ვინაობასაც ჯერ ვერ ვი-

ტყვი. 2 მღვდელმთავარი - მეუფე ვახტანგი და მეუფე თადეოზი პენსიაზე გავიდნენ,“ - განაცხადა მეუფე ზოსიმემ (შიოშვილი).

საპატრიარქოში დღეს გამართული წმინდა სინოდის სხდომის სხვა გადაწყვეტილებების და განხილული საკითხების თაობაზე ინფორმაცია განჩინების სახით გავრცელდება.



პირველი ლეიბორისტი დედოფლისწყაროში

27 ოქტომბერს საქართველოში დაგეგმილ საპრეზიდენტო არჩევნებთან დაკავშირებით „ლეიბორისტული (შრომის) პარტიის“ უცვლელი ლიდერი, პრეზიდენტობის კანდიდატი შალვა ნათელაშვილი დედოფლისწყაროს მუნიციპალიტეტს 11 ოქტომბერს ეწვია. ნათელაშვილმა შეხვედრა დილის საათებში თავდაპირველად საზღვრისპირა სოფლების მაცხოვრებლებთან გამართა. ის ქედების ზონის ამომრჩევლებს შეხვდა, საიდანაც სოფელ სამრეკლოში გადაინაცვლა. ცნობილია, რომ ამ სოფლებში ნათელაშვილს საკმაოდ მხარდამჭერი მუდმივად ჰყავდა. დღის 13 საათისთვის ქალაქ დედოფლისწყაროში დაგეგმილი შეხვედრა 14 საათამდე არ დანეგებულა. შალვა ნათელაშვილი ქალაქის მაცხოვრებლებს აგრარული ბაზრის მიმდებარე ტერიტორიაზე შეხვდა და საკუთარი საარჩევნო პროგრამა წარუდგინა. შეხვედრა საკმაოდ ხანმოკლე იყო.

პრეზიდენტობის კანდიდატის პათოსი, როგორც ყოველთვის, ამჯერადაც ისეთივე იყო, როგორც წინა წლებში. მან გააკრიტიკა ჯანდაცვაში არსებული სიტუაცია: **„დაზღვევა არის ბანდიტების სფერო, სადაზღვევო კომპანიის მიერ მე დაფინანსებული ერთი მოქალაქეც ვერ ვნახე, მათგან გადადებული და მოტყუებული კი უამრავი- მოქალაქეებიც, ექთნებიც, ექიმებიც და პაციენტებიც... მე ვპირდები მთელ საქართველოს, რომ ჩემი პრეზიდენტად არჩევის შემთხვევაში არავის მოუწევს სახლის ბანკში ჩადება იმისთვის, რომ ოჯახის წევრს ოპერაცია გაუკეთოს“**- განაცხადა ნათელაშვილმა და დასძინა, რომ გაპრეზიდენტების შემთხვევაში ის ბიუჯეტს ხალხისკენ შემოაბრუნებს. მანამდე კი თვითონაც საკმაოდ ღარიბი ნომერ პირველი მშრომელი წინასაარჩევნო კამპანიას უსახსრობის გამო ბუკლეტების გარეშე აწარმოებს, თუმცა, თუ მისივე სიტყვებს დავეყრდნობით, მას **„არ სჭირდება არც ბუკლეტი და არც ბილბორდი, რადგან თავადაა**

მოსიარულე სარეკლამო ბილბორდი“. მას მოსახლეობასთან მისვლა არ ეზარება და წინასაარჩევნო პლატფორმას პირადად აცნობს. ნეიტრალიტეტი საგარეო პოლიტიკაში და რუსული ბაზრის გახსნა-ეს არის ის პროექტი, რომლითაც პირველი ლეიბორისტი ქვეყნის ეკონომიკის განვითარებას გეგმავს. მშრომელთა პარტია ამომრჩევლებს უფასო ჯანდაცვას და განათლებას პირდება, გარდა ამისა, პროგრამის პრიორიტეტს ანტიმონოპოლიური კანონმდებლობის შემუშავება, უპრეცედენტო კრედიტები მცირე და საშუალო ბიზნესისთვის და ეკონომიკური დანაშაულის დეკრიმინალიზაცია წარმოადგენს. **„მდიდარს წავართმევთ, ღარიბს დაუბრუნებთ!“**-ამჯერად თავის ძველ მესიჯს არა, მაგრამ სლოგანს ცვლის, რომელიც ასე უღერს: **„ერთხელ მაინც მედნეთ!“** თუმცა, მოახერხებს თუ არა სტაჟიანი პრეზიდენტობის კანდიდატი ხალხის ნდობის მანდატის მოპოვებას, ამას არჩევნები გვიჩვენებს.



„ყურძნის რეალიზაციიდან კახეთის მოსახლეობამ 100 მილიონ ლარზე მეტი მიიღო“

„კახეთის მოსახლეობამ, 5 ოქტომბრის მდგომარეობით, ყურძნის რეალიზაციის შედეგად შემოსავლის სახით 100 მილიონ ლარზე მეტი მიიღო. საშუალოდ ბარდებოდა 5 ტონა ყურძენი და ოჯახები 7000 ლარამდე იღებდნენ“, - ამის შესახებ „ინტერპრესნიუსს“ ასოციაცია „ქართული ღვინის“ აღმასრულებელმა დირექტორმა თინა კეხელმა განუცხადა. მისი თქმით, წელს, რთველში პირდაპირი დახმარება დაახლოებით 16 885-მა ოჯახმა მიიღო. როგორც თინა კეხელმა „ინტერპრესნიუსს“ განუცხადა, წელს, ყურძნის დაბინავეების პროცესი მაქსიმალურად კარგად წარიმართა და რეგიონებიდან შეფერხებების ან უკმაყოფილების შესახებ ინფორმაცია არ მიუღია. „ძალიან კმაყოფილები ვართ. ბევრი წელია, ასეთი რთველი არ ყოფილა. რამდენადაც, ასოციაცია „ქართული ღვინის“ ყველა წამყვან კომპანიას აერთიანებს, შემიძლია

ამ კომპანიების სახელით გითხრათ, რომ ყველა ძალიან კმაყოფილია, არის მაქსიმალური წესრიგი, რაც, კარგა ხანია, ბამისად, გლეს ალარ ჰქონდა იმის შიში, მიიღებდა თუ არა ვაუჩერს. მთლიანობაში, ეს პროცესში ძალიან დიდ გაუგებარისხიანი ყურძენი უნდა ჩააბარონ და მათ მოსავალს აუცილებლად ჩაიბარებენ. ფასიც დარეგულირდა და შედეგად მივიღეთ ნორმალური ბაზარი, რომელიც გახდა თვითრეგულირებადი. ვფიქრობ, ეს არის მაქსიმალურად კარგი შედეგი, რისი მიღებაც შეგვეძლო და ამიტომაც, გლესელებიც კმაყოფილნი არიან. რომელიმე რეგიონიდან რაიმე შეფერხების შესახებ ინფორმაცია არ გვექონია. პირიქით, ყოველთვის იყო კმაყოფილება, როგორც კომპანიების, ისე გლეხების მხრიდან“, - განაცხადა თინა კეხელმა.

არ ახსოვთ. ვაუჩერები კომპანიების სუბსიდირების პროგრამამ ჩაანაცვლა და შესაბრობას ინვეცია, რაც თავიდან ავიცილეთ. გლეხებისთვისაც გასაგები გახდა, რომ მხოლოდ

როგორც კომპანიების, ისე გლეხების მხრიდან“, - განაცხადა თინა კეხელმა.

მისივე თქმით, რთველის სეზონის უპრობლემოდ ჩატარება საექსპორტო ბაზრების რაოდენობის ზრდამ გამოიწვია. „წინა რთველი იყო ერთ-ერთი ყველაზე მახინჯი. რასაკვირველია, რუსეთის ბაზრის გახსნამ მოთხოვნაც გაზარდა ყურძენზე, მაგრამ რთველის ნორმალური, ცივილიზებული ფორმით ჩატარების მოთხოვნა, როდესაც პროცესი თანაბრად მისაღები იქნებოდა გლეხებისა და კომპანიებისთვის, მუდმივად იდგა. ეს მოთხოვნა უშუალო კავშირში არ არის რუსეთის ბაზართან, თუმცა ზოგადად საექსპორტო ბაზრების ზრდას უკავშირდება, რადგან დარგი წელ-წელა ფეხზე დგება. რასაკვირველია, პროცესში კორექტივები შესატანი იქნება, რათა საბოლოოდ იდეალურ ფორმასთან მივიდეთ, თუმცა, შეიძლება ითქვას, რომ წელს ამგვარ მდგომარეობას თითქმის მივუახლოვდით“, - განუცხადა „ინტერპრესნიუსს“ თინა კეხელმა.



ქართული ხილი რუსულ ბაზარზე ბრუნდება

სურსათის ეროვნული სააგენტოს უფროსი ზურაბ ჩეკურაშვილი რუსეთის ვეტერინარული და ფიტოსანიტარიული კონტროლის ფედერალური სამსახურის ხელმძღვანელს სერგეი დანკვერტს შეხვდა. სურსათის ეროვნული სააგენტოს ცნობით, „როსსელხოზნადზორის“ ხელმძღვანელმა მიიღო გადაწყვეტილება, შეიძლია პაუზის შემდეგ განახლდეს

საქართველოდან მცენარეული წარმოშობის პროდუქციის - თხილის, ციტრუსების, ყურძნის, ვაშლის, მსხლის, კომპის რუსეთში გატანა. ამ გადაწყვეტილებას წინ უძღოდა ხანგრძლივი მოლაპარაკებების პროცესი. მიმდინარე წლის მაისში მოსკოვში გამართულ მოლაპარაკებათა მეორე რაუნდზე გადაწყდა „როსსელხოზნადზორის“ წარმომადგენელთა საქართვე-

ლოში ვიზიტი, რომელიც 15-21 აგვისტოს შედგა. რუსი სპეციალისტები ფიტოსანიტარიული სერტიფიცირების სისტემას გაეცნენ; გაიმართა სამუშაო შეხვედრები საქართველოს სოფლის მეურნეობის სამინისტროში; საქართველოს სხვადასხვა რეგიონში დაათვალიერეს ხილის, ციტრუსისა და თხილის პირველადი გადამამუშავების, დახარისხებისა და შესა-

ნახი სანარმოები, სასათბურე მეურნეობები; გაეცნენ საექსპორტო პარტიების ფორმირების და ფიტოსანიტარიული სერტიფიცირების პროცესის ტექნიკურ დეტალებს. „სწორედ ამ ვიზიტის შემდეგ გახდა შესაძლებელი ქართული პროდუქციის რუსულ ბაზარზე დაბრუნება“ - აღნიშნულია რუსეთის ვეტერინარული და ფიტოსანიტარიული კონტროლის ფედერალური

სამსახურის ხელმძღვანელის სერგეი დანკვერტის წერილში. სურსათის ეროვნულ სააგენტოში აღნიშნავენ, რომ 2013 წლის 28 ივნისიდან რუსეთში უკვე დაშვებულია დაბალი რისკის შემცველი პროდუქცია (ჩაი, დაფნა, ჩირი და ა. შ.), 14 ოქტომბრიდან კი რუსეთში ქართული თხილის, ციტრუსის, ყურძნის, ვაშლის, მსხლისა და კომპის შეტანა გახდება შესაძლებელი.

ყველანი ბავშვობიდან მოვდივართ...

- „ადამიანის ცხოვრებაში არსებობს დღეები, რომლებიც არ მეროდება და თავისი შთაბეჭდილებებით, ასაკისა და დროის მიუხედავად, ლამაზ მოგონებად რჩება“.

ეს სიტყვები 5 ოქტომბერს, დედოფლისწყაროს კულტურის სახლის სცენიდან გაისმა და ვეთანხმებით. დიას, ლამაზ მოგონებად და დაუვინყარ დღედ დარჩება დარბაზში შეკრებილი იმ უამრავი ბავშვისთვის, რომელიც აპლოდისმენტებს არ იშურებდა თითქმის 3 საათის განმავლობაში.

ლონისძიებამ, რომლის იდეაც კულტურისა და სპორტის თანამშრომელს და საბავშვო სტუდია „არლეკინოს“ დამაარსებელს- ნონა ვიბლაშვილს ეკუთვნოდა, ხოლო მის განხორციელებაში მუნიციპალიტეტის ხელმძღვანელობა, კულტურის, განათლებისა და სპორტის სამსახური დაეხმარა, სრული ანშლავით ჩაიარა. ამ დღეს გადაწყდა,

რომ ამერიიდან ოქტომბრის ყოველი პირველი შაბათი დედოფლისწყაროელებისათვის იქნება ცოდნისა და წარმატების დღესასწაული და ის ადამიანები, ვინც ერთი წლის მანძილზე ყველაზე მეტად წარმოაჩენენ თავს კულტურისა და განათლების სფეროში, ამ დღით გამოვლინდებიან.

უკვე თითქმის თხუთმეტი წელია სტუდია „არლეკინოს“ ნონა ვიბლაშვილი ხელმძღვანელობს და მის გამოზრდილ ბავშვებს ცხოვრებაში ეს წლები ვარდისფერ ხაზად მიჰყვება, შემდეგ ისინი ამ ხაზს სხვა ფერებსაც უმატებენ და ოცნებებს რეალობად აქცევენ.

„არლეკინოს“ ბავშვებმა გახსნეს ლონისძიება, შეასრულეს რამოდენიმე ლამაზი სიმღერა და ცეკვა, შემდეგ კი მონივეს ჩამოსული სტუმრები: გრან- პრის მფლობელი კომპანია „ნევერლენდი“ და მისი დამუშებელი, საბავშვო ტელევიზია

„ენკი ბენკის“ დირექტორი, მსახიობი- ლევან ვიბლაშვილი თავის ზღაპრულ თოჯინებთან და მულტიფილმების გმირებთან ერთად. ეს ის სცენაა, სადაც ლევანი გაიზარდა და მისი სამსახიობო ნიჭის გამოვლინებებიც აქედან დაიწყო, გავიდა წლები... დღეს ლევანი ჩვენი რაიონის ლირსეული შვილია და უკვე დიდი ხანია, მთელი საქართველო სცნობს, როგორც წარმატებულ მსახიობს. მათთან ერთად შოუ პროგრამაში მონაწილეობდნენ ევროვიზიის გამარჯვებული ბავშვები და ჯგუფები: „Funkids“, „Lizi pop“. ირგვლივ ოვაციები არ ცხრებოდა. ზღაპრული თოჯინების სცენაზე ყოფნამ, მარიამ კახელიშვილის შესრულებულმა სიმღერებმა, მულტიფილმების გმირების გამოჩენამ თუ ყველაფერმა ერთად გასაოცარი შთაბეჭდილებები მოახდინა დარბაზში მყოფ პატარებზე, ისინი თითქმის ვერ ჩერდებოდნენ სკამებზე და მთელი შოუს განმავლობაში მუსიკის რიტმს აყოლილები ადევნებდნენ თვალს სცენას და გახალისებულებს, არც კი უგრძენიათ დაღლა.

სალამოს ორგანიზატორებმა, იმის გამო, რომ 5 ოქტომბერი მასწავლებლის დღე იყო, გადწყვიტეს წლის საუკეთესო პედაგოგები და სკოლების წარჩინებული კურსდამთავრებულები, რომლებმაც 100% დაფინანსება მიიღეს უმაღლეს სასწავლებლებში, წარედგინათ აუდიტორიისთვის.

წლის საუკეთესო პედაგოგებად დასახელებული იყვნენ: ქ. დედოფლისწყაროს წყაროს N1 საჯარო სკოლა- გულანმარ იაკობიშვილი, N2 საჯარო სკოლა- მარინა შანშიაშვილი, ხორნაბუჯის საჯარო სკოლა-



თამარ ყოჩიაშვილი, ზემო მარხაანის საჯარო სკოლა- მაია მაძღარაშვილი, არბოშიკის საჯარო სკოლა- დარეჯან ბალაშვილი, ოზაანის საჯარო სკოლა- ია თევზაძე, გამარჯვების საჯარო სკოლა- მაია პოპიაშვილი, ზემო ქედის N1 საჯარო სკოლა- ქეთევან ბუბუნაური, ზემო ქედის N2 საჯარო სკოლა- ეთერ კედელაშვილი, არხილოსკალის საჯარო სკოლა- სოფიკო კობაძე, ქვემო ქედის საჯარო სკოლა- ლელა დარძული, სამთაწყაროს საჯარო სკოლა- რიტა ოთარაშვილი, ფიროსმანის საჯარო სკოლა- ემზარ ჯვანი, საბათლოს საჯარო სკოლა- ნუნუ ქადაგიშვილი. პედაგოგთა წარდგინების შემდეგ სცენაზე წარჩინებული სტუდენტები მონივეს: N1 საჯარო სკოლის მოსწავლეები: გიორგი ყოჩიაშვილი, გიორგი აგლაძე, პაატა კიკილაშვილი, გიორგი ღვინიაშვილი, სოსო ჩუთლაშვილი. სამრეკლოს საჯარო სკოლა- იოსებ ლეკაშვილი, ზემო ქედის N1 საჯარო სკოლა- მარიამ

მკერვალიძე, N2 საჯარო სკოლა- ლამაზ ბაშარული.

ასევე, წლის წარჩინებულებად დასახელებულნი „ეტალონში“ გამარჯვებული ორი დედოფლისწყაროელი გოგონა: ანა ბულაშვილი და მარიამ მკერვალიძე, „ნიჭიერში“ გამარჯვებული - დავით მარაული. წლის წარმატებული ცეკვის ანსამბლად აღიარებულ იქნა- ალექსანდრე გაბრიელაშვილის ანსამბლი „შირაქი“, წლის სიახლედ- ცარო მარტიაშვილის თეატრი „ბერიკები“ და წლის წარმატებულ ჯგუფად- სასწავლო ცენტრის დირექტორის ნუნუ ცაქაშვილის „ინტელექტულები“.

ლონისძიების დასასრულს, დარბაზში მსხდომნი დალოცა და უფლის წყალობა უსურვა მეუფე მეტქისედეკმა.

ასე დასრულდა პატარებისთვის კიდევ ერთი ბედნიერი და ლამაზი დღე ჩვენი ქალაქის მატინეში.

ელზა ხარაშვილი



ლია წერილი მწერალს და კუბლისისს, ჩვენს თანამოაზრეს - ჯამალ მხრიშვილს!


მას მერე, რაც გადაწყდა 10 ოქტომბერს თქვენი შემოქმედებითი საღამოს ჩატარება, ველავადი და მოუთმენლად ველოდი ათეული წლებით განშორებულ ძველ თანამშრომელთან შეხვედრას. ეს შეხვედრა უკვე წარსულია, რომელმაც ორივე მხარე - სტუმარიც და მასპინძელიც სითბოთი და სიყვარულით აგვავსო. ახლა უკვე ჩავლილი დღის შთაბეჭდილებებმა და შენზე ფიქრმა არ მომასვენა. როგორი თავმდაბალი და ენამოსწრებელიც იყავ, ისეთი დარჩენილხარ. მაგრამ, ვერ მოგიწონებ ამ თავმდაბლობის გამო საკუთარ ნალვანს რომ ამცირებ. „მწერლუკაო“ რამდენჯერმე

უნოდე საკუთარ თავს შენს სამადლობელო სიტყვაში. გირჩევ, ეს არასოდეს გაიმეორო! შენ „მწერლუკა“ კი არა, წელგამართული მწერალი ხარ რომელმაც მხრებგაშლილმა უნდა იარო შენს საყვარელ მინაზე. თვალებში თამამად შეხედო თითოეულ ქართველს, ირწმუნო საკუთარი თავი და ამ რწმენით ამაღლებულმა მეტი და მეტი შემოქმედებითი პროდუქტი აჩუქო შენს გულშემატკივრებსა და ერთგულ მკითხველებს.

მუდამ გახსოვდეს, არასოდეს იყავ იმათზე ნაკლები (პირიქით, მეტიც) ვინც მედროვეობის გამო წამოყველავებულა და საზო-

გადოებას წამდაუნუმ თვალში ეჩხირება. შენ სწორედ შენი თავმდაბლობითა და პატიოსნებით ფასდები. კიდევ ერთხელ გეტყვი, რომ გვიყვარხარ ჯერ ერთი იმიტომ, რომ წამდვილად იმსახურებ ამ სიყვარულს, მეორეც იმიტომ, რომ, ხომ გაგიგონია, „ყვავს თავისი ბახალა ყველას ურჩევნიაო“. შენც ქვეყანას გვირჩევნიხარ, რადგან ჩვენი ხარ!

პატივისცემით,
ნაირა ბორაშვილი
ძვირფასო მკითხველო,
10 ოქტომბერს გამართული ჯამალ მხრიშვილის შემოქმედებითი საღამოს შესახებ ვრცელ სტატიას შემდეგ ნომერში შემოგთავაზებთ.



დმანისში მსხოვრები უძველესი ადამიანები კბილის საწმენდით სარგებლობდნენ?!

დმანისში მცხოვრები უძველესი ადამიანები კბილის საწმენდით რეგულარულად სარგებლობდნენ. ინფორმაციას ამის შესახებ ამერიკული გამოცემა PNAS („მეცნიერებათა ეროვნული აკადემიის მაცნე“) ავრცელებს, რომელიც საქართველოს ეროვნული მუზეუმის დირექტორის, დავით


ლორთქიფანიძის სტატიას აქვეყნებს. როგორც სტატიაშია აღნიშნული, 20 წლის წინ საქართველოში, დმანისთან ახლოს პალეონტოლოგების მიერ ნაპოვნი ადრეული ადამიანის ნიმუშებზე კვლევის შედეგად, აღმოჩნდა, რომ კბილებსა და ყბის ძვლებზე მათ უამრავი პარალელური და ღრმა

საკანრი ჰქონდათ, რომელიც, სავარაუდოდ, კბილის საწმენდის არასწორად გამოყენებას უკავშირდება. ყოველივე ეს აღმოჩენის ავტორებს აძლევს იმის თქმის საფუძველს, რომ დმანისის უძველესი მაცხოვრებლები კბილის საწმენდებს ამზადებდნენ და იყენებდნენ.

კროსვორდი


ჰორიზონტალურად: 1. მიმდებარედ, აქვე... 9. ფობიების შიში. 10. მაღალ ოთახში გაკეთებული ზედა ნახევარსფერული სართული. 12. მეტყველების ორგანო. 13. ფასიანი ქარაღი, რომელიც ადასტურებს მის მფლობელის მონანიღობას სააქციო საზოგადოების კაპიტალში და აძლევს მას დივიდენდის უფლებას. 14. სომხეთის დედაქალაქი. 15. რთული სიტყვების წინსართი. 16. შედახილი ჭიკოკონობის დროს. 18. პერსონაჟი სესილია თაყაიშვილის შესრულებით, ფილმში „დათა თუთაშია“. 22. ციხე ცხინვალის მუნიციპალიტეტში, ლიახვის მარჯვენა ნაპირზე. 23. სამხატვრო გამოფენის საზეიმო გახსნა. 25. აქლემებში წყლის მარაგის ადგილი. 26. მასობრივი განადგურების იარაღი. 27. ჩვილი ბავშვი. 28. კანქვეშა ჯირკვლების მიერ გამოყოფილი გამჭვირვალე სითხე. 29. ჰომეროსის პოემა, ბერძნული ლიტერატურის უძველესი ნიმუში. 30. ტროპიკული მცენარე, რომლის სამშობლო ინდოეთია. უსხოვარი დროიდან ცნობილია მისი სამკურნალო თვისებების შესახებ. იყენებენ კულინარიაშიც სანელებლად.

ვერტიკალურად: 2. თურქეთი სულთანი, იგივე... 3. ჭადრაკის ფიგურა. 4. არმიის, ფლოტის სამართალდამცავი სტრუქტურების სამეთაურო შემადგენლობის წარმომადგენელი. 5. სვაზილენდის დედაქალაქი. 6. აფხაზეთის სახელწოდება აფხაზურ ენაზე. 7. ბუნებრივი საფეიქრო ბოჭკო. 8. პალახის თვისების მქონე. 11. ბატონყმობის წინააღმდეგ მებრძოლი ქართველი გლეხის გვარი (1797-1842 წწ). 17. სლოვენის დედაქალაქი. 19. ქართველი პოეტი იოსებ... 20. მიწის ქვეშ მოხინაღრე მღრღნელი. 21. ნაშალი ან ზვინულიტივრთის გადაზიდვაზე სპეციალიზირებული გემი. 24. ნელი და ხანგრძლივი წვიმა. 26. რომის პაპის ბრძანებულება, წერილი, ან სიგელი. ბეჭედი, რომელიც ასეთ დოკუმენტს აზის. 27. საყანედ გაკაფული ტყე, ანუ...



მესტი

ფსიქოლოგიური ტესტი, რომელიც სურათების მიხედვით გამოიყენებს თქვენს ხასიათს. გთხოვთ ამ სურათებიდან ამოირჩიოთ ერთი, რომელიც თქვენი აზრით ყველაზე მეტად შეგესაბამება თქვენ.



შედეგები:

○ უზრუნველი, მხიარული, მხნეშენ გიყვარს თავისუფალი, სპონტანური ცხოვრება. შენ ცდილობ, რომ ბოლომდე მიიღო ცხოვრებისგან სიამოვნება. შენი დევიზია „აღამიანი მხოლოდ ერთხელ ცოცხლობს. ხარ დაინტერესებული ყველაფერი ახლით, ადვილად ეგუები მას. შენი ცხოვრება ცვალებადია და ყოველთვის მზად ხარ სიურპრიზებისთვის.

○ დამოუკიდებელი, თავისუფალი შენ ითხოვ თავისუფალ ცხოვრებას საკუთარი თავისთვის, რაც განსაზღვრავს შენი ცხოვრების კურსს. ძალიან ხარ გატაცებული შენი სამსახურით. დიღობ ყველაფერი ზედმიწევნით კარგად შეასრულო, მაგრამ შენს სწრაფვას თავისუფლებისაკენ ხანდახან სრულიად საპირისპირო შედეგად მიიღობ. ინდივიდუალისტი ხარ. არავის მიბაძავ ბრმად, პირიქით ცდილობ იცხოვრო საკუთარი რეალური შესაბამისად.

როგორია თქვენი ხასიათი?!

○ თვითდაკვირვებელი, მგრძობიარე შენ ძალიან ხარ დამოკიდებული გარემოზე სადაც შენ ცხოვრობ. ვერ იტან ზერელე დამოკიდებულებას საქმის მიმართ. შენი ურთიერთობა მეგობრებთან ძალიან მტკიცეა, რაც სულიერ სიმშვიდეს განიჭებს. ძალიან იშვიათად ხარ მოწყენილი.

○ მიწაზე მყარად მდგომი, განონასწორებული, ჰარმონიულ შენ გაქვს შენი საკუთარი სტილი, რომელიც შეუცვლელია. ხალხი მოხიბულია თქვენი, რადგან შეიძლება თქვენი ნდობა. შენთან ახლომყოფ ადამიანებს სიმშვიდეს ანიჭებ. ყველა გიცნობს როგორც თბილ და ჰუმანურ ადამიანს, არ მოგნონს არაფერი ბანალური. სკეპტიკურად ხარ განწყობილი მოდის მიმართ. შენთვის აუცილებელია ჩასაცმელი იყოს პრაქტიკული და მოკრძალებულად ელეგანტური.

○ პროფესიონალი, პრაგმატული, საკუთარ თავში დარწმუნებული არ ენდობი ბედს და მეტად გნამს საკუთარი თავის. ყველა პრობლემას პრაქტიკულად და პრაგმატულად წყვეტ. რეალურად უყურებ შენს ცხოვრებას. შენთვის უცხოა მერყეობა. სამსახურში დიდი პასუხისმგებლობა გაქვს, რადგან ყველამ იცის, რომ შენი ნდობა შეიძლება. არასოდეს ხარ საკუთარი მუშაობით კმაყოფილი სანამ ბოლომდე არ აასრულებ ჩანაფიქრს.

○ მშვიდი, წინდახედული, არააგრესიული შენ ხარ ნელი და ფრთხილი. ძნელად იძენ მეგობრებს. გირჩევნია საკუთარი მარტოობითა და დამოუკიდებლობით ტკობა. გიყვარს განცალკევება და ცხოვრების აზრზე ჩაფიქრება. შენ გესაჭიროება სივრცე, ამსთვის ეძებ ღამაზ თავშესაფარს, თუმცა შენ მაინც არ ხარ მარტოსული. შენ სამყაროსთან

ჰარმონიაში ხარ და აფასებ იმას, რასაც სამყარო გთავაზობს...

○ ანალიტიკური, საიმედო, საკუთარ თავში დარწმუნებული კულტურა განსაკუთრებულ როლს თამაშობს შენს ცხოვრებაში. ნაპოვნი გაქვს შენი ინდივიდუალური სტილი, რომელიც ძალიან ელეგანტური და ექსკლუზიურია. გაგაჩნია განსაზღვრული დონე კულტურისა, რასაც იყენებ ხალხთან ურთიერთობისას.

○ რომანტიკული, მეოცნებე, ემოციური ძალიან მგრძობიარე ადამიანი ხარ. არ გინდა მოვლენების აღქმა ისე, როგორც აღიქვამს ყველა დანარჩენი. ყველაზე მნიშვნელოვანი შენი გრძობებია. პიქრობ, რომ აუცილებელია ადამიანს ოცნება გააჩნდეს. არ გიყვარს ადამიანები, რომლებიც რომანტიზმს უარყოფენ.

○ დინამიური, აქტიური, ექსტროვერტი ადვილად შეგიძლია გარისკვა. გიყვარს მრავალფეროვანი საქმის კეთება. შენთვის უცხოა ყოველდღიური რუტინა. ყველაზე მეტად რაიმე მოვლენაში აქტიური როლის თამაში გსიამოვნებს. მოგნონს როდესაც შენს დამსახურებებს ხმაძალა აღნიშნავენ.

გამოსაშვები გამოსდები იწყება

12 ოქტომბრიდან მთელი საქართველოს მასშტაბით გამოსაშვები გამოცდები დაიწყება. 09:00 საათზე, საქართველოს ყველა რაიონის 1500-მდე მეტ სკოლაში მოსწავლეები გეოგრაფიის დავალებზე მუშაობას დაიწყებენ. საგამოცდო პროცესში 2000-ზე მეტი მეთვალყურეა ჩართული.

გამოცდების ეროვნული ცენტრის ცნობით, 2013 წლიდან გამოსაშვები გამოცდები ორ ეტაპად ჩატარდება: ოქტომბრის პირველ ნახევარში მეთორმეტეკლასელები გამოცდებს 4 საგანში ჩააბარებენ (ფიზიკა, ქიმია, ბიოლოგია, გეოგრაფია). იმ მოსწავლეებს, რომლებიც ოქტომბერში ვერ გადალახავენ ზღვარს რომელიმე გამოცდაში (ან ვერ გამოცხადდებიან გამოცდაზე), შესაძლებლობა ექნებათ შესაბამისი საგანი წლის ბოლოს, ჩააბარონ დანარჩენ 4 გამოცდასთან (ქართული ენა და ლიტერატურა, უცხოური ენა, მათემატიკა, ისტორია) ერთად.

ცვლილების თანახმად, 2013-2014 სასწავლო წლიდან კი გამოსაშვები გამოცდები მე-11 და მე-12 კლასებში გაიმართება. მე-11 კლასის მოსწავლეები სასწავლო წლის ბოლოს იმ საგნებს ჩააბარებენ, რომლის სწავლაც დაასრულეს. როგორც შეფასებისა და გამოცდების ეროვნულ ცენტრში აცხადებენ, ახალი სქემა დამამთავრებელი კლასის მოსწავლეებისათვის ბევრად უფრო მოსახერხებელი იქნება.

„დედოფლისწყაროს საათი“
ილია მარტყოფლიშვილი ერთად
კვირა 17:30

განმეორებით 00:30
გამეორება „ობიექტივი“

ამინდი		დედოფლისწყარო												
ორშაბათი 14.10	სამშაბათი 15.10	ორთშაბათი 16.10	სუთშაბათი 17.10	პარასკევი 18.10	შაბათი 19.10	კვირა 20.10	ორშაბათი 14.10	სამშაბათი 15.10	ორთშაბათი 16.10	სუთშაბათი 17.10	პარასკევი 18.10	შაბათი 19.10	კვირა 20.10	
დღე	ღამე	დღე	ღამე	დღე	ღამე	დღე	დღე	ღამე	დღე	ღამე	დღე	ღამე	დღე	ღამე
12°	11°	12°	10°	11°	10°	14°	13°	16°	15°	17°	12°	14°	11°	

გამომცემელი შპს „შირაქი“
 დირექტორი **ინგა შიოლაშვილი**
 რედაქტორი **ნაირა გორაშვილი-პოპიაშვილი**
 წერილში მოყვანილ ფაქტებსა და ციფრებზე პასუხს ავებს ავტორი.

სარედაქციო კოლეგია: **ლალი მხრინიშვილი, ილია მარტყოფლიშვილი** (ჟურნალისტიკა); **ელზა ხარაშვილი** (სტილისტ-მწევერი); **ნათელა გოსტაშვილი** (ბუღალტერი); **ნინო ჯანაშვილი** (ფოტო-მწევერი); **მზია ქანდაძე** (დისტრიბუტორი); **ზურაბ ბუნაშვილი** (კომპიუტერული უზრუნველყოფა).
 გაზეთი აიწყო და დაკაბადონდა „შირაქის“ კომპიუტერულ ბაზაზე.
 ყოველკვირეული გამოცემა იბეჭდება შ. პ. ს. „სამშობლოს“ სტამბაში.

რედაქციის მისამართი: **ქალაქ დედოფლისწყარო, ფიროსმანის №18, ტელ. 0 356 22 55-49; 598 72-18-72 (დირექტორი) 551 25-17-44 (რედაქტორი)**

რეგისტრირებულია დედოფლისწყაროს რაიონის სასამართლოს მიერ, №6014-468.